

# ՀԱՇՎԵՏՎՈՒԹՅՈՒՆ

ՎԱՅՈՑ ՁՈՐԻ ՄԱՐԶՊԵՏԱՐԱՆԻ ԱՇԽԱՏԱԿԱԶՄԻ ՏՀԿ ԲԱԺՆԻ ԿՈՂՄԻՑ  
2017թ. ԿԱՏԱՐԱԾ ԱՇԽԱՏԱՆՔՆԵՐԻ ՄԱՍԻՆ

Հանրային իրազեկումը Վայոց ձորի մարզպետարանի աշխատանքային ծրագրի մաս է կազմում և կոչված է հիմնականում լուսաբանելու այդ ծրագրի շրջանակներում իրականացվող միջոցառումները, գործընթացները և դրանց արդյունքում սպասվող ակնկալիքներն ու ձեռքբերումները:

2017 թվականի կիսամյակի ընթացքում մարզպետարանի աշխատակազմի տեղեկատվության և հասարակայնության հետ կապերի բաժինը ղեկավարվելով բաժնի կանոնադրությամբ և բաժնին վերապահված գործառույթների, ինչպես նաև քաղաքացիական ծառայողների պաշտոնի անձնագրի պահանջներով՝ հաշվետու ժամանակահատվածում իրականացրել է հետևյալ աշխատանքները.

ՏԵՂԵԿԱՏՎՈՒԹՅՈՒՆ ԱՅԼ ԿԱՅՔԵՐՈՎ ԵՎ ԶԼՄ-ՆԵՐՈՎ ԼՈՒՍԱԲԱՆՄԱՆ  
ԱՇԽԱՏԱՆՔՆԵՐԻ ՎԵՐԱԲԵՐՅԱԼ

ՀՀ Վայոց ձորի մարզպետի և մարզպետարանի աշխատանքային գործունեության հանրային իրազեկումն ապահովելու նպատակով բաժինը հաշվետու ժամանակահատվածում համագործակցել է մարզային <<Վարդաձոր>> ամսաթերթի, <<Հայաստանի Հանրապետություն>> օրաթերթի և Վայոց ձորի թեմի պաշտոնական կայքի հետ:

ՏԵՂԵԿԱՏՎՈՒԹՅՈՒՆ ՄԱՐԶՊԵՏԱՐԱՆԻ ԿԱՅՔԵԶԻ <<ՆՈՐՈՒԹՅՈՒՆՆԵՐ>>  
ԲԱԺՆՈՒՄ ՏԵՂԱԴԴՎԱԾ ԲՈՎԱՆԴԱԿԱՅԻՆ ՆՅՈՒԹԵՐԻ ՄԱՍԻՆ

ՀՀ Վայոց ձորի մարզպետի և մարզպետարանի գործունեության հրապարակայնությանն են ուղղված եղել նաև պաշտոնական կայքի <<Նորություններ>> բաժնի նյութերը: Կայքի նորությունների բաժինը գրեթե ամեն օր թարմացվել է, որտեղ տեղ են գտել մարզպետարանի գործունեությունը լուսաբանող հաղորդագրությունները:

2017թ. ընթացքում մարզպետարանի պաշտոնական կայքի <<Նորություններ>> բաժնում տեղադրվել են 357 լուսաբանական նյութեր, որոնք եղել են լրատվական բնույթի հաղորդումներ, ուղերձներ, հայտարարություններ և իրազեկումներ:

Դրանք արտացոլել են մարզպետի աշխատանքային գործունեությունը, մարզպետի՝ մարզի տարբեր համայնքներում կատարած աշխատանքային այցերը, մարզպետի կողմից քաղաքացիների ընդունելությունները, մարզի համայնքներում առկա սոցիալ-տնտեսական իրավիճակը, տարբեր հիմնախնդիրների վերաբերյալ մարզպետարանում հրավիրված քննարկումները, կրթամշակութային անցուղարձը, ինչպես նաև ՀՀ և օտարերկրյա պատվիրակությունների մարզ կատարած աշխատանքային այցերը, մարզպետի հանդիպումները հանրապետական և միջազգային տարբեր կազմակերպությունների կամ նրանց ներկայացուցիչների հետ և այլ բնույթի աշխատանքները:

Հաշվետու ժամանակահատվածում նշված բաժնում համապատասխան նյութերով համալրվել են <<Ելույթներ և հարցազրույցներ>>, <<Ուղերձներ>>, <<Մարզպետի պաշտոնական և աշխատանքային այցեր, ընդունելություններ>> ենթաբաժինները:

ՏԵՂԵԿԱՏՎՈՒԹՅՈՒՆ ՄԱՐԶՊԵՏԱՐԱՆԻ ՊԱՇՏՈՆԱԿԱՆ ԿԱՅՔԷԶԻ ԱՅԼ ԲԱԺԻՆՆԵՐԻ ՍՊԱՍԱՐԿՄԱՆ ՄԱՍԻՆ

Մշտապես թարմացվել են Վայոց ձորի մարզպետարանի պաշտոնական կայքի 24 բաժիններն իրենց 129-ից ավելի ենթաբաժիններով:

Տարվա ընթացքում Վայոց ձորի մարզպետարանի կայքում պարտադիր հրապարակվել են ՀՀ ՎՁ մարզպետի ընդունած որոշումներն ու կարգադրությունները, մարզպետի, մարզպետարանի աշխատակազմի ստորաբաժանումների ղեկավարների հաշվետվությունները:

Կայքում տեղադրվել են նաև մարզպետարանի գործունեության տարեկան ծրագրերը:

2017 թվականի ընթացքում մարզի համայնքների ավագանիների տարվա ընթացքում կայացրած բոլոր նիստերի որոշումները (ընդհանուր թվով՝ 579) հրապարակվել են մարզպետարանի պաշտոնական կայքում:

2017 թվականի ընթացքում մարզպետարանում անց է կացվել մարզխորհրդի 2 նիստ (24.03.2017թ. և 18.08.2017թ.), որոնց օրակարգերը նախապես տեղադրվել է <<Նորություններ>> բաժնում, իսկ կայանալուց հետո նիստի օրակարգը և արձանագրությունը տեղադրվել են <<Մարզպետարան>> բաժնի <<Մարզխորհրդի նիստեր>> ենթաբաժնում:

ՀՀ Վայոց ձորի մարզպետարանում քաղաքացիների ընդունելության օրերի, վայրի և ժամի, ինչպես նաև դրանցում կատարվող փոփոխությունների մասին տեղեկությունները նախապես, իսկ կայանալուց հետո արդյունքների մասին տեղեկությունը հրապարակվել են պաշտոնական կայքի <<Նորություններ>> բաժնում: Նորությունների արխիվացումից հետո ամսական ընդունելության արդյունքները տեղադրվել է <<Քաղաքացիների ընդունելություն բաժնում>>:

Հանրային իրազեկում ապահովելու նպատակով մարզպետարանի աշխատակազմի տեղեկատվության և հասարակայնության հետ կապերի բաժինը համագործակցել է զանգվածային լրատվության միջոցների, հասարակական կազմակերպությունների հետ:

Կազմակերպվել են հարցազրույցները տարբեր լրատվամիջոցներով, ԶԼՄ-ների կողմից բարձրացրած հարցերին տրվել են սպառիչ պատասխաններ՝ ապահովելով համապատասխան տեղեկատվությամբ:

Մարզպետարանի կայքում ըստ համապատասխան բաժինների և էջերի տեղադրվել են պարտադիր հրապարակման ենթակա ամբողջ տեղեկատվությունը, մարզպետարանի գործունեությանն առնչվող նորությունները:

Հաշվետու ժամանակահատվածում պաշտոնական կայքի բաժիններում անհրաժեշտաբար բացվել են նոր բաժիններ և ենթաբաժիններ.

<<Առցանց հեռարձակումներ>> և <<ՀՀ կառավարության աշխատակազմի ոլորտային պատասխանատուների հետ հետադարձ կապ հաստատելու կոնտակտային տվյալները>> բաժինները, ինչպես նաև <<Հանրակրթական հաստատությունների բյուջեների և կատարած ծախսերի հաշվետվություններ>> ենթաբաժինը <<Տեղեկատվական կենտրոն>> բաժնում և <<Խոշորացված համայնքների բնակավայրերի ավագանիների որոշումները>>, <<Համայնքներ>> բաժնում:

ՏԵՂԵԿԱՏՎՈՒԹՅՈՒՆ ՎԱՅՈՑ ՁՈՐԻ ՄԱՐԶՊԵՏԱՐԱՆԻՆ ՈՒՂՂՎԱԾ  
ՀԱՐՑՈՒՄՆԵՐԻՆ ՏՐՎԱԾ ՊԱՏԱՍԽԱՆՆԵՐԻ ՎԵՐԱԲԵՐՅԱԼ

Եղել են բազմաթիվ բանավոր հարցումներ, որոնք ուղղված են եղել մարզպետարանի աշխատակազմի տարբեր ստորաբաժանումներին, ինչպես նաև ստացվել են մարզպետարանում գործող թեժ գծով (+374 281 2 25 57 հեռախոսահամարով):

Իսկ ԶԼՄ-ների և հասարակական կազմակերպությունների կողմից Վայոց ձորի մարզպետարանին արվել է 14 գրավոր հարցում, որոնց բոլորին օրենքով սահմանված ժամկետներում տրվել են պատասխաններ: Անպատասխան մնացած հարցումներ չկան:

**ՀՀ ՎԶՄ աշխատակազմի ՏՀԿ բաժին**